



Universitätsbibliothek Paderborn

Instructio practica ...

Continens Armamentarium Seu Panoplima Spiritualem - Id est, Varia arma
& media ad omnis generis tentationes fortiter sustinendas, & feliciter
superandas, Ad Omnium Quidem Animarum

Lohner, Tobias

Dilingæ, 1688

Tent. II. Ob distractiones inter orandum.

[urn:nbn:de:hbz:466:1-48377](#)

§. II.

Tentatio II, ob distractiones inter orandum.

X. Juliana devota admodum Matrona gravissim tentatur ex eo, quod assiduas inter orandum distractiones patiatur, &c, licet saepius repetat orationes cunctis distractionibus peractas, quem tamen in posterioribus, quam prioribus distracta permaneat, und satius judicans, non orare, quam orando peccare, dicitur omnino orationem omittere, & hoc suum propositum, tamque tentationem Confessario suo perit. Quæritur, quomodo eam consolari, instruereque debeat Confessarius?

Reffonsio.

XI. In primis cum solarium non modicum sit, socios misericordiae habere, ostendat illi, quam communis sit haec fragilitas, animique inconstantia, ita ut S. Bernardus cuiusdam, qui facile putabat esse sine distractionibus orare, ausus sit, equum suum promittere, si semel orationem Dominicam sine distractione recitaret, quem tamen is lucratus non sit, eò quod si ipsa recitatione quæsiverit, num etiam frenum cum equo oblatus sit.

XII. Secundò ostendat, distractiones has, si voluntariae non sint, non modo ingratam DEO, Sanctisque, & ipsi oranti infructuosam orationem non efficere, sed potius contrarium operari: uti ipsam testari debet, si sequens ei quæstio proponatur, & queratur, si duas Virgines in templum euntes videbret, quarum una sine omni impedimento ad templum veniret, & oraret; altera mox, ubi e domo exiisse,

à pro-

à procacibus Juvenibus invitaretur ad ambulandum cum illis in hortum , variásque recreations instituendas, quos tamen illa fortiter & constanter repelleret ; sed & in templo postea ab alijs Virginibus ad garriendum incitata , neutiquam se moveri pateretur , quam ex hisce magis laudandam , atque à DEO præmiandam crederet ? utique posteriorem diceret , idem ergo & ipsa speret , si contra voluntatem distractiones patiatur , id quod DEUS aptâ quondam visione declaravit. Cùm enim duo simul eodem in loco orarent , quidam transiens vidi singulis coronas aureas super caput , uni quidem propinquè , alteri verò remoto admodum imminere ; quare finitâ oratione visionis intellectum expiscaturus , utrumque ad se vocavit , & qui oratio successisset , interrogavit , cui prior respondit , nunquam peius se orâsse , eò quòd sine ultra attentione , & devotione orâsse ; posterior verò fassus est , nunquam sapidiū se orationi vacâsse ; ex quibus responsis collegit , alterum plus orando , non obstantibus distractionibus , promeritum fuisse , uti corona capiti propinquiūs imminens indicabat. Merito ergo Thomas Kempensis l. 3 . c. 6 . Solatur talem Personam dicens : *Nec est illusio , quòd aliquando in excelsum subito raperis , & statim ad ineptias solitas cordis reverteris , illas enim invitè magis pateris , quā agis : & quamdiu displicent , & reniteris , meritum est , & non perditio . Non ergo te conturbent aliena Phantasia , de quacunque materia ingestæ . Fortè serva propositum , & intentionem rectam ad DEVUM : invoca divinam gratiam , abige cum Abrahamo lucres Sacrificium orationis absumere volentes ; nec*

C 4

du-

dubita, gratiorem fore orationem tuam, quam si sine
distractionibus oravisses.

XIII. Tertiò horretur illam, ut neutiquam defi-
stat ab oratione propter distractiones: sic enim dia-
bolus intentum finem obtineret, ut qui videns, quod
omnia bona ex oratione velut fonte profluant, Ho-
lophernem imitatur, & ante omnia hunc fontem ob-
turare conatur; unde S. Climachus grad. 18. ait, sicut
ad sonum æris campani Fideles & Religiosi ad Eccle-
siam precatum confluunt, ita & nobis in preces effu-
sis, omnes nequam Spiritus invisibiliter convenire ad
impediendam orationem, uti Abbatii Marcellio etiam
ostensum est, dum diabolos sono tubæ ad hoc evoca-
zos fuisse audivit. Sed & ipsa Deipara, teste Blosio
c. 3. monil. dixit quondam B. Birgittæ: Genius hic
inferi Draconis est, ut omnis generis pedicas & reti-
tendat hominibus effundere cor suum per orationem
desiderantibus coram Conditore suo DEO, verum
tu Filia mea charissima, quantumcunque senseris, se
eiusmodi illusionibus, hostisque maligni insidijs ex-
agitari, cave, in via DEI, cursuque orationis idcirco
vel subsistas, vel retrocedas, sed persevera potius a-
lacriter in bona tua voluntate, sanctisque desiderijs tie-
bi supernè immisis, plurimum enim id & placebit Fi-
lio meo, & tu augebis coronam justitiae in illo die.

XIV. Quartò illi ostendat, quot virtutum exer-
cendarum occasionem habeat, si eiusmodi distractio-
nes voluntarias æquo, humilique animo ferat; nam
in primis actum Religionis tantò præstantiorem exer-
cit, quanto plures in eo exercendo difficultates re-
periuntur. Deinde actum patientiae non minùs pre-
ciosum

tiosum ob eandem causam. Sed & actum fortitudinis heroicum, dum propriæ inclinationi tam fortiter resistit: actum quoque constantiæ egregium, dum in oratione, non obstantibus distractionibus, perseverat: actum denique humilitatis DEO gratissimum, dum suæ mentis instabilitatem agnoscit, & ex hac agnitione occasionem despiciendi propriæ sumit: ut adeò gaudere potius, quam tristari debeat ob ejusmodi incidentias importunas animo occurrentes.

XV. Quintò denique vehementer illam dehortetur, ne preces semel recitatas frequentius repeatat; sic enim scrupulos nutrire potius, quam repelleret; nec leve insipientis animi indicium præberet; quis enim non stultè agere mulierem illam diceret, quæ ubi jam medianam filorum partem in girgillum (Haspel) contorserat, ob filum ruptum omnia reliqua fila denuò ex girgillo devolveret? atqui idem faceret & ipsa, si preces cum inculpabili distractione recitatas repetet; maximè cum polliceri sibi non possit, an non in sequentibus repetitionibus similes iterum distractio-nes sit passura.

§. III.

Tentatio III. ob ariditatem orationis.

XVI. Paphnutius Frater Laicus queritur suo Magistro spirituali, se jam à longo tempore adeò aridum & desolatum in meditationibus extitisse, ut cœlum planè æneum sibi factum esse existimet; præ certis tamen id sibi dolere, quod ariditatem istam proprijs suis culpis promeritum se fuisse timeat. Quæritur, quomodo contra hanc temptationem sit instruendus?

C §

Re-